

賊

情

彙

纂

序

賊何所恃所恃者詭秘不易知耳自粵至楚殘破數千里肆亂逾兩年我官中猶不能確指賊目為誰某況其餘乎咸豐癸丑正月收復武昌鄂人之脅以行者駱驛逃歸於是留心時事之士始獲諮詢筆記非賊至鄂特弛其禁緣自鄂以上賊數無多所立軍目井井便於稽察不能

人情叢書卷一

如鄂人之易逃自是以還累脅愈眾逃者愈多而賊情寔漸以洩時德堅充湖北撫轅巡捕官因好聞賊情彼都人士凡有采輯手輒錄寄然人言人殊虛實參半比年于役大江南北並隨吳文節公至堵城嘗易裝往來賊巢所見行陣之士被虜逃人受害鄉民不可勝計留心訪究隨時記載裒然成帙又以供役節轅時屢發

俘賊難民鞠問摘錄供詞甚夥遂綜覈而編輯之成賊情集要一冊自慙末職獮才無辨賊之分具冀効一得或可為知彼知己之助嘗上諸大府輒嘉納之亦偶有置而弗閱者甲寅九月
上澣

欽差辦理軍務前少宗伯大帥曾公克復武漢後駐節漢江整旅誓師即日下剿德堅方自江北

旋省爰錄賊情集要介 劉霞仙先生上之初

無自薦之心竊謂

大帥獨能辦賊必能知賊亦必樂人之知賊聊
為芻蕘之獻耳嗣 大帥連克蘄州田鎮所向
皆焚巢掃穴俘獲賊中文籍汗牛充棟更得彼
中有心計者來歸出俘件使辨之所指悉不謬
以前呈賊情集要互證似可合為一談遂檄調

赴武穴行營設采編所修輯賊情彙纂一書委
德堅為總纂官訓導鄒君漢章副之別委方君
翊元程生奉璜邵生彥烺李生楸為分纂增委
廖生文鳳黃生秉烈譚生光槩光炳潘生敬暹
充協修繕校之役乙卯正月賊復上犯武漢移
局長沙同儕星散復延聶生起榮周生壽眉李
生鼎元俞生錫沅等襄辦其原委諸君亦俱深

一
悉賊情各有撰著故 大帥羅致之其意靡他
實欲洞燭奸頑俾可攻其瑕隙擇人而任鄭重
其事甚盛舉也今夫星辰將帥戎馬書生無一
非圖功殺賊之人然不必盡能知賊甚至有謂
賊情不必知者或因賊情本不易知深求弗獲
受人欺紿轉致憤事不禁廢然思返耳往者官
軍屢挫竇坐不能知賊之咎今之屢捷亦未始

非漸能知賊之效然不易知之故則有數端焉
蓋犬羊之性有剿無撫非古之敵國叛鎮比信
使不通間諜不行此不易知一也陷賊寇裳乘
間幸脫方百喙自解掩飾被虜之名何敢罄言
此不易知二也俘獲之賊當推鞠時自計必死
非夸大取快於須臾即哀號乞命於萬一其侈
言賊勢强盛異言賊不足平皆不可以為據縱

百計開導之終不吐實此不易知三也被脅鄉
民慮其隱諱恒赦釋而後問之絕其顧忌惜多
蠢陋不過充賊散卒彼中秘計毫無聞見一朝
幸脫如夢之覺即能追憶半屬囁語此不易知
四也即使偶俘充偽官有才識者赦其罪優視
之使放心暢述宜可得賊情要領殊不知賊計
至密賊令至嚴凡私相往來刺探軍事者每殺

以警眾且於有心計人防其逃出宣洩益禁錮
之如處囹圄所知僅一館一衙之事而不能知
賊之全局此不易知五也至於探役孰不惜命
雖誘以重賞未必肯入賊巢便有鹵莽貪利之
徒毅然竟往不知賊中暗號必為賊殺徒去不
回其能回報者無非探附近居民之言依然隔
膜此不易知六也有此六不易知往往因噎廢

食於賊情概不求知即得真情智者且疑為誣
妄矣果如所云豈賊情終不能知耶抑又不然
以上難知之數端要即可知之門選恃一人欲
全知固不能苟得一人知數事積百人即可知
數百事更於此數百事中精覈而抉擇之自可
得可信之百數十事以俘件勘證之彼中來歸
者詮釋之鬼蜮情形又將奚遁哉彼中來歸者

何即程生奉璜是彼有心計豈不如以上所云
禁錮愈密僅知一館一衙之事者乎所不然者
程生權奇倜儻機智過人圖為荆聶不果遂更
其意欲盡知賊情以冀一朝復見天日傾羣言
以獻或可補官軍所不逮耳遂動心忍性與賊
周旋寢久而契洽矣佯為計畫盡知其軍事矣
賊既受其籠絡且弛其禁得至各軍各館潛察

而默識矣欲乘間得脫且相隨自江甯至武昌
矣以故所知為獨詳且確以可知賊情之道適
萃集於一時實難遘之機會乃以德堅夙著及
數子記載為嚆矢集俘件為證據恃程生為耳
目復廣搜博采多收而嚴覈之聞自何人見自
何處更一一詳註之刪所誣存其實統成書十
二卷總目九分目五十八附目二十七圖七十

一於彼中一舉一動纖悉靡遺賊情於是乎大
備誠非囿於偏隅一知半解及逞才臆造者所
得操觚而記述也至諸偽制有難於簡畧處文
氣龐雜鄙俚所不敢辭求實弗求文工拙故不
暇計矣然心折是書者又往往獎許過當姑弗
論已而不意更有深憫為甚癡不達者其辭曰
以子負沈毅才識曷不草檄行間効功一戰曷

不權篆百里捍衛一邑乃殫思竭技汗流終日
記此悖逆之言行乎況深求過真事事如見其
不知子夙昔致知之由者非謂言偽而辯即別
有疑議子何取焉於戲人各有心難拘以相示
亦惟付之妄言妄聽然此等親切代計之言苟
非真癡又幾不免為所動矣於以見一人作之
百人撓之凡事成功不易為可慨也斯事猶然

其十倍重於斯者非忠信堅固又豈易觀厥成哉德堅孱弱闇陋在事數年徒嘗險苦毫無建樹其恨賊愚忱謬謂將欲破賊必先知賊故視聽所及旋即記之不過一好知賊情之人已耳乃遭逢

大帥以知賊為急務檄充此役鼓之舞之心益專壹如射志毅務求破的冀報知遇於萬一也

若草檄行間權篆一邑姑無論才力不勝即曰
能之似其利亦細微可見較量是書之成梓行
天下使我無不知賊情之將士賊恃強吾角智
隨處以寡破眾以巧勝拙其為有益又豈一隅
百里所能限耶此誠

大帥之本懷而深懼菲材所不足副者

大帥當代偉人以智勇成其忠視 國事如家

事識名將於偏裨創水師之良法豐功偉績罄
楮難述其好聞賊情抑一端也書成上之當聽
其覆覈裁成而加序焉何僭序為緣體例俱備
無弁言於簡端似覺缺然故厯述纂書緣起如
此

咸豐五年乙卯七月中澣甘泉張德堅識

賊情彙纂卷一

原委官生銜名

總纂官高銜湖北卽補府經歷縣丞張德堅

同纂官湖南候選訓導鄒漢章

分纂湖北興國州廩生方翊元

六品軍功江蘇上元縣文童生程奉璜

六品軍功順天宛平縣文童生邵彥煊

湖南巴陵縣生員李林

協纂校書郎功湖北咸甯縣書吏廖文鳳

湖北興國州生員潘敬選

江蘇甘泉縣文童生黃秉烈

繕校湖南候選從九品譚光渠

湖南邵陽縣文童生譚光炳

移局長沙纂書官生銜名

總纂官銜湖北即補府經歷縣丞張德堅

分纂六品軍功江蘇上元縣文童生程奉璜

六品軍功順天宛平縣文童生邵彥煊

協纂並繕校江蘇甘泉縣文童生黃秉烈

六品軍功湖北咸寧縣生員廖文鳳

六品軍功湖南長沙縣文童生周壽眉

協纂繕校兼繪圖李鼎元湖南善花縣文童生聶起榮

協修兼繕校湖南善花縣文童生俞錫沅

湖南湘陰縣文童生李鼎元

湖南長沙縣監生劉瀛甲

湖南湘潭縣文童生張聲壯

湖南長沙縣文童生彭瀚

湖南候選訓導李文鶴

原案

奉調原札

欽差兵部侍郎銜前禮部右堂曾

為

札調事照得大軍克復武漢水陸東征惟
營務日繁在在需員差委查有湖北候補
縣丞張德堅精明幹練洞悉賊情堪以委
用合行札調札到該員立即遵照束裝馳

赴大營聽候差委毋違此札

咸豐四年十月初二日

原委各札

欽差兵部侍郎銜前禮部右堂曾 為

札飭事照得逆黨倡亂以來賊情詭變百
出前後所獲逆書及偽文卷急須逐條編
纂成帙以備查核查有湖北候補縣丞張

德堅深悉賊情前呈輯要一編持論甚為
中肯仰卽會同訓導鄒漢章悉心核定如
偽官制偽軍目偽禮書及分踞要地之逆
首姓名及前後伏誅賊目等類分門別類
編成全冊並派廩生方翊元李楸邵彥煥
文童程奉璜分司編校繕寫之任先定門
類請示飭遵務令賊中情偽畢見庶大軍

剿辦愈得要領合行札委札到該員即便
會商妥辦此札

咸豐四年十一月初三日

一札湖北卽補縣丞張德堅

欽差兵部侍郎銜前禮部右堂曾 為

前事云云合行札委札到該員即便會商

妥辦此札

咸豐四年十一月初三日

一札候選訓導鄒漢章

生

員方翊元

李 楸

童

生邵彥烺

程奉璜

奉札後稟

曾部堂稟

敬稟者竊卑職等接奉

鈞札云云奉此謹按逆黨自倡亂以來蹂躪

數千里非常暴虐亘古所無且詭變百出其情偽最難深悉今編輯偽書偽制詳載賊情不獨大有益於兵機實指日編修方畧之一助惟所擾地方既廣賊目又多於

蜉蝣佔踞之地往往不久竄去或官軍隨
卽克復一方聞見難周若總考全局必多
挂漏卽或咨查各省未必盡得真情且恐
過需時日擬就現俘之偽書偽文告及各
家所記賊情分類而編輯之其餘各省賊
情亦就其彰著者纂入容俟採訪再行續
編除所獲偽件祈全行

發編外倘蒙將近年印鈔及有關繫文案隨時

發出摘錄似覺詳備謹遵

札先擬條目於後應增應減伏候

鈞裁

擬纂九條

劇賊姓名首逆事實羣賊事畧附賊踞地方

賊官制

科目 偽朝內官 偽軍中官 偽守土官 偽鄉官 偽女官

賊軍制

陣法 營壘 營規 土營 水師 技藝 號令 偵探 旗械

賊禮制

偽宮室 偽印 偽朝儀 偽時憲 服飾 與馬 稱呼 飲食

賊糧

虜利 貢獻 科派 口糧 船運

賊教

偽書 偽天條 禮拜 刑罰 講道理

賊數

虜人 逃亡 老賊 新賊 童子兵

賊文書

誥諭 稟報 書札 告示 照票 貢單 門牌 冊籍 封條

雜載

條款甚多隨時編訂

以上係初定條目
現多增改

欽差兵部侍郎銜前禮部石堂曾 批

仰卽照所擬各條分類編輯所請俘件已
飭俘獲所悉數移送其邸鈔文案該員等
赴承辦書吏處查閱此繳

咸豐四年十一月初五日

彙請生員廖文鳳等留所幫辦並請頒關防由

欽差兵部侍郎銜前禮部右堂曾 批

廖文鳳等卽留該所幫同繕辦每名每月
酌給薪費四兩另請采編所關防已飭鐫
刻容卽頒發繳

咸豐四年十二月初十日

又稟^卑所俘件書稿未失請留湘辦理俟書成赴營銷差由

欽差兵部侍郎銜前禮部右堂曾 批

該員等所纂賊情書稿仰卽在湘省繕辦
所需薪水已札飭湘潭捐局委員黃守曹
牧在於功牌捐項下按月支取銀四十兩
整至廩生方翊元已於月前來江分纂稿
件業經面繳矣此繳外發去黃守曹牧一
札仰卽轉交

咸豐五年三月初三日

賊情彙纂卷一

總目錄

劇賊姓名

偽官制

偽軍制

偽禮制

偽文告

賊教

賊糧

賊數

雜載

分卷目錄

卷一

纂校官生銜名

纂書原案

目錄

凡例

採訪姓氏

劇賊姓名上

首逆事實

卷二

劇賊姓名下

劇賊事畧 附偽守土官鄉官名目

卷三

偽官制

偽官表

偽品級銓選

偽朝內官

偽軍中官

偽守土官鄉官

偽女官

偽科目

卷四

偽軍制上

偽軍目軍冊

陣法

營壘

土營 附諸匠營

卷五

偽軍制下

水營

旗幟器械

營規附號令

詭計附技藝

偵探

卷六

偽禮制

偽宮室

偽印

偽時憲

偽朝儀

偽服飾

偽儀衛輿馬

偽稱呼

飲食

卷七

偽文告上

偽詔旨

偽誥諭

附誡諭訓諭誨諭札諭照會將憑
批式封筒式

偽本章

附稟奏稟報稟申敬稟

偽告示

卷八

偽文告下

偽律

偽官照

附關憑暗記 賊館門牌 印據 船票 船牌

偽貢單

附鄉官門牌 封條

偽文字

附隱語 聯句

卷九

賊教

偽書

偽天條

禮拜

刑罰

講道理

卷十

賊糧

貢獻

虜刦

科派

關榷交易

口糧

倉庫

附偽錢式

卷十一

賊數

偽官伍卒數

老賊

新賊

虜人

逃亡

童子兵

女官女軍數

卷十二

雜載

凡例

一是書注意在能悉賊情非欲傳文字也雖文如八家不知賊情亦復無取更恐肆才臆造一賊中諸偽制皆有意曼衍支離使人無從揣測今敘諸偽制多重複繁冗且雜邪教諸隱語幾使閱者不耐實由苦思索解始得端緒必須層層推究方能明晰若以簡鍊出之恐

多遺漏

一偽官表已另著凡例四則此外凡敘偽官銜名於重複處可省偽字者俱從略

一書中凡就俘獲之件摹敘則概不用註其餘各說係何人所見所說皆於一篇之終分註之其不逐句註者恐文氣隔斷使閱者不能一目直下也

一采訪姓氏分官紳兵勇等為四等略敘其來
歷附於簡端凡書中後註係何人所說皆直
書其名如不識為何如人翻閱卽知

一纂書各員皆悉賊情各有記述卽采訪諸姓
氏是也因已列銜名於前其註但註何人所
述不必更註何員所記以省冗贅

一凡我論斷之文於賊教中天父天兄諸字自

應直行而下若摹寫偽文告偽書諸式其擡格之處悉從原本

一賊中改易文字以及偏旁多至數十字其偽文告偽書文義率皆荒謬滿紙別字緣皆鄙夫撰擬固宜如是凡摹偽文式遇訛別字概仍之俾存其實

一偽印偽文告服飾旗幟凡不易敘述者皆繪

圖繫說

一所采賊情自庚戌秋冬起至乙卯六七月間
止賊中詭計日新月異續有見聞自當隨時
編入天方厭亂賊滅必速又孰願此後更有
所增乎

一探報失真倖賊混供皆不足據捏造傳鈔明
眼人一見卽知如云偽天王係木刻小人賊

中共四十軍軍各二千五百人偽檢點係三
品官新科狀元已招駙馬在江甯蓋造故明
宗廟諸語概不采入

一是書竭力搜剔於賊情似覺詳盡知彼知己
庶可攻其瑕隙然事務求實不尚粉飾一切
偽制本屬荒謬暴虐者皆極力醜詆之然披
猖至此似非毫無伎倆故於軍制諸條轉多

記其能事劇盜在前詈之何益覽者諒焉
一采訪諸家或有言官兵畏避諸不堪記述情
形似未必皆確卽或有一二處誠如所言亦
概不編入此諱所當諱也

一是書之成實由官軍直抵潯江俘獲賊中文
籍至多叅考諸家記述又得彼中有心計者
一一詮釋之賊情於是乎備誠非一州一邑

囿於見聞者所能綜覈凡我同志莫不以先
親為快然文人相輕古今通病未必全無異
議或曰此不急之務今豫為此未免迂闊蓋
其意欲屬諸善後非謂不宜辦也或曰此無
益之舉悖逆不經諸制徒亂人意何足考究
此則直斥為非者也或曰賊所恃在難知能
知賊必能辦賊苦心孤詣總攬而精勘成此

必傳之書較之靖逆記平徭記略尤為確切
賊備指日大功告成方略館開必以此為準
則此又自信不能成是書而傾心折服者也
悠悠之口毀譽懸殊幾使胸中乍冰乍炭若
持平之論則不然謂能悉賊情必有益於軍
情此事急不宜稍緩者將來

國史采擇必先稽章奏後考輿說然無人記載久

必湮沒此又事可緩而不得不豫者恃此二
解餘可弗辯矣

一摹錄偽文原本凡悖逆較甚者皆不錄逆賊
荒誕目我為妖乃邪教語並無譏評誣讟之

言我朝

聖聖相承治隆千古直道自在人心足關桀犬之口
使之欲吠不得也

采訪姓氏

官紳

朱祖培

廣西舉人湖北候補同知久在廣西軍營洊保今職

李 案

浙江廬生游幕廣西多年壬子九月至湖北於諸逆里居來歷及初

起賊情言之最詳癸丑五月具稟投効有人謂其從賊甚久恐是奸

細故未留用其人似曾陷賊中然讀書知道斷非甘心從賊者

方 靖

安徽桐城諸生姚石甫廉訪戚屬嘗佐粵西戎幕

張凱嵩

湖北進士任廣西臨桂縣癸丑丁憂回籍知粵事甚詳

羅鳳池

廣西廉生帶勇屢立戰功周文忠奏保以知縣用選授湖南清泉縣引見改發湖北知粵事甚詳

龍瑞

四川原生久從軍於兩粵以軍功保選湖北通山縣

覃瀚元

廣西潯州諸生以軍功選授湖北黃岡縣丞

楊宗時

江蘇監生湖北候補從九品在事日久多知軍事賊情

劉春生

江蘇監生湖北候補未入流久事勸捐團練深悉鄉間賊情

瞿騰龍

湖南行伍總兵官久歷戎行與之談賊情終日不倦

駱永忠

廣東行伍副將自粵至鄂皆在事
曉暢機宜所知賊情最詳實

梅青

湖北行伍千總曾出兵廣西湖南

蕭長齡

湖北行伍守備曾充
巡捕
賽中堂武

鄒元採

湖南人候選道庫大使

陳慶洽

湖北江夏生員原任署兩江總督
芝楣陳公之子

曹禹門

湖北監生新選廣西縣丞在事日
久頗知賊情

禹繼賢

湖北漢陽監生廣西縣丞委在湖
北坐探

聶士澄

湖南衡山諸生

常南陔中丞成屬

李年茂

湖北江夏廩生

程文偉

湖北江夏在籍候選州判

王鑣

湖北江夏在籍候選從九品

呂佐之

湖北江夏六品軍功文童生屢次帶勇殺賊並改裝往來賊巢誘捕共多次

甘棠

湖北江夏六品軍功文童生

黃金吾

湖北江夏廩生

張玉琴

湖北江夏監生 陳芝楫制府妻

楊燮

湖北江夏名醫賊曾脅去治病

張長義

順天監生候選刑部司獄原任武昌府司獄張士彥子

姚敦三

湖北江夏六品職員著有壬癸筆記

田行達

湖北江夏五品職員鄉居富戶

賀啟

湖北武昌六品職員富戶

潘文藻

湖北黃岡生員住余家集

徐鍾湏

湖北安陸縣生員任月落嶺

姚藻鑑

湖北漢川生員住劉家隔

周固軒

湖北黃陂人候選從九品

喬綏福

湖北孝感副貢前任直隸饒陽縣
喬見齋中丞之子

黃鼎

湖南沅陵縣人湖北候補從九品

兵勇

任福

湖北撫標右營馬兵記名外委

朱占鰲

安徽安慶城守營馬兵

李先登

湖南鎮筵鎮標戰兵

王安福

湖南新寧勇六品軍功久隨江

譚大朋

湖南新寧勇六品軍功久隨江

鄭寶全

五品川勇頭目

胡舉高 五品川勇頭目

姚楚雄 六品楚勇頭目

羅大才 楚勇

周定邦 楚勇

逃難衿民

譚恩普

湖北應山諸生著有再生憶述

丁富文

安徽懷甯監生

左用賓

安徽桐城生員

李國槐

安徽太湖貢生

柳森

安徽潛山廩生原任廣西知縣柳際清之姪

唐金詔

安徽當塗生員

後裕寬

安徽蕪湖生員原任東河總督
朱公襄戚屬

李敬思

江蘇上元廩生

周寬

江蘇上元廩監生

袁炯

江蘇江都監生

趙時澤

江蘇甘泉生員

王福興

湖北江夏人素貿易於江寧

李丕基

湖北武昌府清書被脅至江寧隨
賊北犯於許州逃回

宣必昌

湖北漢陽人素販木於江甯

謝士才

湖南益陽人船戶

劉玉貴

湖南湘陰人船戶

曾有年

湖南湘潭人船戶

石有貴

湖北興國人販鹽於賊境

洪四相

安徽黟縣人販棉花於賊境

趙興

湖南武陵人販貨於賊境

汪裕茂 江西鄱陽人販莢器於賊境

羅芳溶 湖南湘潭人素貿易於江甯

俘賊

戎 林

江蘇提標外委由蘇太道委帶戰
船至鎮江濱敗被擄初充牌刀手
旋授前九軍軍帥恩賞指揮北犯
被官兵盤獲問供十一次所供多

實情大府以戎林從賊久未
便以人材可用赦之卒正法

康東序

江蘇江甯縣潛書充總聖庫先生
確知賊中庫藏實數

蘭萬有

江甯回民充總聖糧先生確知賊
糧實數

吳兆桂

安徽合肥人充牌刀手升總制犯
江西北俘於田鎮

吉璿隆

廣西桂平老賊封功勳總制俘於

方萬璿

安徽桐城人充典袍俘於江夏石

劉文達

江蘇江都監生充典油鹽

劉文達

文達弟武生充後十二軍典旗幟

吳玉狗

江蘇甘泉人年十二歲係後十三

軍軍帥老弟俘獲於青山問供

十餘次對答如流言賊中情狀歷

歷如繪且能背上論半本及偽天

條各書誠奇童也湖北岳方伯

憐而收養之城陷不知所終

楊有玉 安徽巢縣人充偽燕王左三通傳

明昌祿 安徽合肥人充偽燕王典輿

石佑高 湖北興國人充中十一軍典聖糧
以上三犯官軍克復武漢後搜捕

餘匪時
俘獲

其兵勇避難衿民俘賊采詢鞠供實不
止此數每知一事隨手記之或忘其人
姓名或諸家記載但云難民所說未載

姓名緣事屬新奇則易於默識尋常人
之姓名一詢卽忘未能確記故也倖賊
尤多亦就共知共見有案牘可考者載
之

賊情彙纂卷一

劇賊姓名

謹按逆黨自金田倡亂以來僭立天王分
封八王所署偽官不可數計且有已為我
兵擒斬諱其死仍留其銜名於偽搢紳中
者羣賊多頑童市僧賊首徇情授官雖身
居顯秩毫無執掌今首編劇賊姓名若盡

錄其偽官轉致渠魁屏涸茲就偽詔書偽
文案所載各條兼採眾說互相勘證偽王
侯外擇其尤為凶悍屢拒我師及賊中號
為能者分首逆事實劇賊事略兩則詳敘
里居出身官職曾犯何處現踞何處併及
其性情狀貌俾我官軍得以辨識愈易殲
滅云其不能知者謹闕文以俟

首逆事實

劇賊事畧

附偽守土官偽鄉官姓名

賊情彙纂卷一

劇賊姓名上 首逆事實

首逆偽天王洪秀全

秀全廣西潯州府桂平縣大黃江思旺墟人廣
西潯梧一帶土著者少墾山貿易多廣東人秀
全實廣東花縣籍現年四十三歲身材魁碩赤
面高顴有鬚粗通文墨素無賴日事賭博多蓄

亡命以護送

煙土

洋貨為生往來兩粵及湖南

邊界得商賈

謝金

貨益事結約楊秀清蕭朝貴馮

雲山皆其黨與初因剿辦喫夷逆黨旁覷營伍

廢弛欲行叛逆起首由馮雲山在桂平縣土豪

胡以耽村內傳天帝教拜盟僅三十餘人嗣夷

務平定遣散之勇多歸之漸聚眾至三百餘人

曾經地方官訪拏秀全等伏匿深山蓄髮至尺

許迄未弋獲未幾李沅發滋事廣西巡撫鄭祖

琛招敢死之勇合剿其黨即出此股應募打仗較官

兵得力然坐是益驕楊秀清尤譎詐有才釋遂同

羣醜謀密計詭稱天父下凡附體造言煽惑道光壬子於庚

戌年十月以三百餘人自白沙至金田村倡亂

首陷桂平平南賀縣等處搜刮貨糧裹脅壯丁

兼擄婦孺每至一村必盡焚房屋絕百姓顧念

勢必隨行旋陷修仁荔浦諸邑勢日猖獗秀全僭稱天王楊秀清稱東王蕭朝貴稱西王馮雲

山稱南王封博白富戶韋正為北王桂平富戶

石達開為翼王因欲假其貲財起事故不惜與已証尊作時加以王爵官

兵堵剿互有勝負惟脅從日眾竄敗之後不久

復熾當踞永安州時困守半載誠益底游魂詎

乘間宵遁反施設計傷我四鎮直逼桂林旋陷

喻月臨興安全州入湖南攻永州不克臨道州六月陷永明九月陷嘉禾蓋山據郴州

有掠縣邑七月抄賊眾滿餘薄長沙也城南城中守禦甚力賊不能入不惟越城者東南二面皆官軍圍繞惟西面漢江要防賊即浮橋潛度相持十餘日一夕志

全州及湖南道州文撲長沙我軍屢勝乃竄岳

氣宇鄉至蓋陽掠船後經湘陰岳州城初惟步馬至是則水陸並下矣

州水陸東下猝至湖北壬子十一月十二日陷

漢陽十二月初四日穴地攻城陷武昌省分股

會城

陷黃州提督向榮軍薄城下楊秀清韋正石達

三年

開抵拒屢挫知武昌不可守癸丑正月初五日

秀全等遂率醜類下竄偃踞武昌省城僅一月

素武昌醜類

賊

初至湖北勢甚窮蹙既得武漢所獲資糧軍火

不可數計自益陽至蘄州武穴所擄民船戰船
約數千艘新擄男婦約五十萬人旌旗徧野帆
幔蔽江至此竟成燎原之勢官軍寡眾不敵望
風披靡正月十七日未刻賊前船至安慶戎刻
卽陷屠擄四日而去直奔江甯二十九日至聚
寶門初十日外城陷次日內城亦陷駐防兵巷
戰靡有孑遺二月二十二日分股陷鎮江府城

陷揚州秀全遂改江甯省為天京僭立宮殿朝
儀徧布偽書廣署偽官遣逆黨四出犯山東河
南直隸山西五月再陷安慶湖北圍攻江西省城陷南
康吉安九江等府九月破田家鎮再陷黃州十
二月陷廬州省甲寅四年正月復陷漢陽六月復陷
武昌省湖南北郡邑多遭蹂躪賊眾大敗於湘
潭復由水路竄擾常德七月再犯岳州水陸兩

股迭為我官軍所敗殲其渠魁痛加焚洗所踞
之地次第克復逆黨惶懼乃竄踞九江楊秀清
遣石達開救湖北不果退踞安慶甲寅臘月五
十五日九江水師因賊用火船驚營小挫除夕
元旦江北旱營接踵潰敗賊眾遂乘勢上竄正
月初七日陷漢陽二月陷武昌復分擾江北郡
邑秀全仍踞江甯省住總督署妻妾親族皆自

粵西隨來盛置妾媵僭稱妃嬪其子僭稱幼主
秀全僻處深宮從不出戶人罕識其面自知詐
力不及楊秀清一切軍務皆委之任其裁決秀
清自恃功高朝見立而不跪每詐稱天父下凡
附體令秀全跪其前甚至數其罪而杖責之造
言既畢其為君臣如初夫古之叛逆末路受制
於臣下篡奪者有之縛獻者有之襲殺者有之

然未開跪而受杖仍尊為王者荒唐兒戲真蜂
衙蟻隊之不若至於秀全等狂悖殘殺之罪擢
髮難數罄竹難書應別詳賊情諸條內此但敘
其倡亂以來大概願俟俘獲之日錄記諸首逆
供詞庶可隨時補纂也

註

漳州府至花縣籍一節
朱祖培李棠羅鳳池說

註

年貌一節
程奉璜說

註

粗通文墨至直撲桂林一節朱祖培
李棠說

註

旋陷全州至分擾江北郡
邑節皆共見者

註

仍踞江甯至跪而受
杖一節程奉璜說

首逆偽正軍師東王楊秀清

秀清廣西潯州府桂平縣人住大黃江金田村之花洲原籍廣東嘉應州世業農秀清獨無賴為隸為傭皆不稱意後同洪秀全結夥護送洋貨積殖自封秀清年約三十餘身中人黃瘦微鬚現損一目識字無多奸謫異常當結黨護送商貨時洪秀全信任之獲利嘗倍既聚眾至三

百人於金田倡亂封秀清為正軍師東王詭稱
天父下凡附體妖言惑眾一切號令皆自伊出
官軍追剿數數窮蹙秀全及羣賊皆有散志獨
秀清堅忍多施詭計籠絡羣醜敗而復熾自粵
西至江甯秀清皆與洪秀全同行洪秀全每至
一處必深藏不出秀清則盛陳儀衛巡行閭市
凡有軍務議定奏上無不准者每批旨准二字

不時頒賜衣飾食物每奏謝必優語答之現踞
江甯省初住藩署三日旋移將軍署後移早西
門前山東鹽運使何其興住宅盛營官室多立
偽妃嬪窮奢極欲每數日必朝洪秀全所立而
不跪往往據洪秀全之座詭稱所召天父下凡附體
者任伊造言煽惑自秀全以下各偽王偽官皆長
跪聽受敷衍畢仍朝洪秀全然後歸偽第出行

多用鉦鼓旌旗如賽會狀屬下偽官惟奏謝恩
賞逕達洪秀全其餘軍務悉稟奏秀清聽其裁
處轉奏以取偽旨秀清多任心腹密布私人邏
察羣下有言行可疑或為官兵內應及有一切
犯偽令事皆默識之突言天父附體指出其人
所行何事立時訊服重則點天燈五馬分屍輕
則斬首株連累累時輿大獄以示威猛以炫神

奇故羣醜畏悚又陰察有才能可任使者以恩
結之有殿左五指揮唐正財者總管水營船隻
癸丑二月僞北王韋正遣其殿前右二承宣張
子朋乘船上犯湖北張子朋性極凶橫因爭船
隻責打水營多賊眾心齊叛欲盡開船上馱投
誠抑或各散秀清得信立至北王府將韋昌輝
杖責數百張子朋杖責一千並傳到唐正財重

賜金帛加封丞相銜用好言撫慰水營羣賊悉
聽唐正財指使唐正財調停羣下始無叛心其
權詐籠絡人心類如此然自恃功高一切專擅
洪秀全徒存其名秀清巨測奸心實欲虛尊洪
秀全為首而自攬大權獨得其實其意欲仿古
之奸權萬一事成則殺之自取又欲以假仁假
義欺人一切誥諭動以不可害民為詞殊不知

羣醜猖狂奸擄焚殺無所不至神人共憤不久
咸俘此又秀清自謂為智而旁觀深笑其愚者
也

註

籍貫起首各情形朱祖培
李家寧瀚九羅鳳池說

註

在江甯各情形
程奉璜說

偽又正軍師西王蕭朝貴

朝貴廣西潯州府桂平縣大黃江新墟人係洪
秀全妹夫從洪秀全楊秀清等率亡命護送洋
貨得商人謝資以為生金田倡亂封為西王同
楊秀清叅贊軍務詭稱天兄下凡附體與楊秀
清朋比煽惑年三十餘面貌凶惡性情猛悍每
率羣醜與我兵苦戰咸豐三年壬子七月先犯長沙洪秀

全楊秀清等均屯道州在八月二十二日始至朝

貴與我軍戰中礮身死羣下收其屍葬以偽王

禮全股下竄湖北我兵掘得朝貴屍戮之楊秀

清等諱其死一切示諭仍列其銜名



在廣西情形朱祖培李案羅鳳池說



殲於長沙鄒元棟國壽眉鼎起榮說

偽副軍師南王馮雲山

雲山廣西潯州府桂平縣大黃江思旺墟人粗知文義為村塾師兼通星卜素習天主教洪秀全楊秀清蕭朝貴皆習其教鈔寫妖書惑眾在桂平縣土豪胡以眈村內結盟入夥一切偽教章程及行軍號令皆雲山與盧賢拔所訂雲山曾經桂平縣訪拏監禁黃玉崑等設計行賄脫

之當在獄時黃玉崑歛錢資其費用謂之科炭
故至今猶追叙科炭功加封諸偽職壬子四年
攻撲全州都司武朝顯以勁兵四百與賊大小
十數戰更率百姓登陴以熟桐油稀飯澆之十
日之內斃賊無算雲山亦死於亂軍中劇賊殲
斃而賊首諱言之故至今仍存偽南王名號

註

朱祖培李來方靖
羅鳳池等所說

偽又副軍師北王韋昌輝

昌輝卽韋正改今名年約三十餘身材瘦小白
面高顴鬚眉疎秀頗知文義陰柔奸險廣西鬱
林州博白縣人素業質庫兼饒田產富甲一邑
洪秀全倡亂所過富室一空掘土數尺昌輝懼
獻銀數萬入夥封為北王自粵西至江甯皆在
賊中屢與我兵戰現踞江甯先據富室李姓家

移住中正街前湖北巡撫伍長華新宅昌輝曾
讀書小有才為楊秀清所忌雖封偽王事楊賊
惟謹凡軍務羣下具稟昌輝石達開謂之稟報
昌輝揣度可行則轉稟楊賊謂之稟奏楊賊若
准始轉奏洪逆以取偽旨其實其事已由楊賊
施行凡緊要奏章若無楊賊偽印洪逆不閱故
一應奏章必先送楊逆處蓋印雖昌輝自奏亦

不能逕達昌輝位下楊逆一等其奸詐相似陽
下之而陰欲奪其權故楊逆加意防範咸豐甲
寅五月楊逆命昌輝上犯湖北令下多日楊逆
私囑羣下稟奏挽留佯作不准瀕行忽改遣韋
俊黃再興等八月復令昌輝赴湖北安徽行次
采石楊賊復下令調回改遣石達開往張子朋
激變水營楊逆杖昌輝數百至不能興又詐稱

天父附體時挫折之楊逆與昌輝互相猜忌似
不久必有吞併之事

註

在廣西情形李宋
羅鳳池覃瀚元說

註

江甯情形
程奉璜述

偽左軍主將翼王石達開

達開廣西潯州府桂平縣大梭村人年約二十
餘身材長大黑面高顴微髭多髮目有凶光人
甚鄙陋凶悍家本富饒獻賊十數萬金入夥封
為翼王自粵西至江甯皆與其軍事咸豐二年十二
月踞武昌率羣醜出大東門與我兵苦戰陷江
甯先據故明張侯第嗣住上江考棚癸丑年八月

奉偽令赴安慶一帶安民十一月回江甯以偽

燕王秦曰綱代之

四年

甲寅八月官軍自岳州水陸

下剡楊逆遣達開援湖北行至蕪湖官軍已克
復武漢達開又奉偽旨踞守安慶旋至湖口達
開銅臭小兒毫無知識每見楊逆詭稱天父附
體造言時深信不疑惶悚流汗尊奉洪楊韋三
逆如神明楊逆喜其誠慙故屢委以軍事

偽天德王洪大全

大全湖南衡州府清泉縣人軀幹頗偉性情狂
悖初應童子試屢次被抑為商為吏皆若不屑
然機警有才每設計措訟魚肉鄉里輒得多資
擄蒲一擲千金揮霍不事生產每被酒肆言多
詆時事及譏刺我官吏嘗謂承平日久文恬武
嬉法令不行百事廢弛且財用匱乏所倡理財

諸說皆屬末節今可以救時者惟復人丁賦稅
一條諸臣工顧惜身名不肯冒不韙以補救今
以為恤民不建此議逮至勢不可支所下苛令
必百倍於此行見明季加賦練餉諸事復行於
今日況疆宇遼濶處處為守處處皆不足守若
有豪傑起事便不可收拾其悖逆之談類如此
同里紳耆患之公首拘訊以無左證釋之遂亡

命江湖至粵西大黃江晤楊秀清傾談甚暱入
夥造逆初封天德浸師旋封為天德王自金田
至永安皆與洪逆俱大全教行仁義所過之處
擄七留三所降官紳概予世襲密付鐵券代守
疆土不變衣冠祇取歸心助力而已但得一省
各處可傳檄而定楊秀清既忌其才又惡其說
遂囚之永安突圍出大全囚服項懸鐵索坐竹

兒由小路潛逃為今升總兵官錢玉貴所獲使
相賽獻俘京師磔之或曰凡首逆逃竄皆著囚
衣俾可支吾得脫大金通未被囚未知孰是凡
在永安軍前者多言大金才識非常若赦而用
之必可滅賊或大金果有過人處非洪楊諸逆
比亦未可知

註

籍貫狀貌素行
皆屬子澄說

註

狂悖諸言駭永忠說當時供詞
即如此其後解官亦多聞之

註

被擒情形前長時
女靖張凱滿說

偽燕王秦曰綱

曰綱廣西潯州府貴縣人年約三十餘身材中
人面長有髭攢眉巨口識字無多人甚慙猛初
為洪秀全手下健兒曾充鄉勇略習刀矛技藝
自粵西至江甯屢與官兵接仗在江甯住前任
湖北宜昌府程家督宅初封天官正丞相嗣封
頂天侯^{咸豐三年}十一月代石達開守安慶^{四年}甲寅四

月調回江甯封燕王楊逆再令北犯曰綱往擾
鳳陽廬州一帶不願北行稟奏楊賊云北路官
軍甚多兵單難往續奉偽旨仍往安徽安民曰
綱遂徧擾安池各屬邑甲寅六月回江甯省八
月奉偽旨往湖北一帶稽查河道密拏奸宄曰
綱行抵九江其時官軍已克復武漢黃再興石
鳳魁敗竄至田家鎮曰綱得信立下誠諭痛責

黃再興石鳳魁失機命將兵眾駐紮田鎮候伊
調度一面稟奏楊逆詎所見與楊逆適合稟奏
未到江甯即有偽旨命鎖拏黃再興石鳳魁赴
江甯而以田鎮軍事委曰綱統理並遣涂鎮興
侯裕寬幫辦涂侯兩賊乃楊逆心腹密授機宜
以防黃石兩賊之變及密刺軍事也曰綱踞田
鎮稟奏楊賊之件甚多此次官軍攻克田鎮賊

中一切文告卷一鑿為我獲益得賊情要領曰網竄
踞九江復犯黃梅廣濟武漢一帶

註

籍貫考自偽家冊其
餘情形皆程奉璣說

偽豫王胡以眈

以眈廣西潯州府桂平縣亞柳村人年約四十
身材中人黃面高鼻短頰髭濃髯少家本素封
曾應童子試其人好高務遠雖係鄉民而喜結
客素與洪秀全等為友與馮雲山尤暱雲山訓
蒙曾主其家遂倡立天帝會邀洪秀全等入夥
自倡亂至江甯皆與其軍事初封春官正丞相

住江甯府署加封護國侯改封護天侯旋封豫

咸豐三年

王癸丑四月楊秀清遣以眈犯安徽桐城縣之

集賢關破官兵營盤九座陷舒城旋為官兵剿

敗革職作又令戴罪立功陷太平府擾繁昌蕪湖

等處現踞守西梁山

註

籍貫出身李棠說其
餘情形皆程奉璜說